

# TIMOTEORE

## Pablo jóasugueripũ

### Ññuduticorigue

**1** <sup>1-2</sup>Timoteo, yũũ Pablo mũũrẽ ãñudutia. Cõãmacũ marĩrẽ netõnerigũ, teero biiri Jesucristo too síropũ pũtũaatigũdũ dutirõmena yũũ cũũyere wededutigũ beserigũ niĩã. Mũũ Jesuré padeogũ, yũũ macũ tiirõbiro niĩã.

Cõãmacũ marĩ Pacũ, teero biiri Jesucristo marĩ Õpũ mũũrẽ ãñurẽ ticoaro; bóaneõ ññaãrõ; ãñurõ niirecũtiri tiĩaro.

### Diamacũ niĩhẽrere buedutiririgue

<sup>3</sup>Yũũ Macedonia ditapũ wãagũ, mũũrẽ bayirõ jĩĩrirobirora tiimacã Éfesopũ pũtũácũmuña. Toopũre diamacũ bueherare teerẽ buedutirijãña. <sup>4</sup>Atibũreco maquẽ wedeseãmarere tũonũũserijããrõ. Teero biiri cũãya wedera tíatopũ macãrã cũã jĩĩmũãatiriguere tũonũũserijããrõ. Teerẽ tũonũũsera búri peti cãmerĩ cúasori tiĩadacua; Cõãmacũ tiidutirere tiirĩcua. Cũũrẽ padeone-mõricua.

<sup>5</sup>Múãrẽ cãmerĩ maĩrĩ boogũ, teero dutia. Ññaarẽ manirã, ãñurõ yeeripũnacũtira, jĩĩdutoro manirõ padeorã cãmerĩ maĩãdadu.

<sup>6</sup>Ãpẽrã teero biiriya. Noo boorõ wedesejãya. <sup>7</sup>Moisere dutirẽ cúũriguere buedugamicua. ãñurõ tee buerẽ maquẽrẽ masĩripacara, diamacũ tiirõbiro bueeya.

<sup>8</sup>Marĩ masĩa: Tee dutirẽ ãñuniã, marĩ teerẽ ãñurõ bue, diamacũ tiiatã. <sup>9</sup>Aterẽ tũomasĩrõ booa: ãñurõ tiirã dutirere booriya. Biirõ tiirãpere dutirere cúũrõ booa: Dutirere netõnũcãrãrẽ; dutirere tũoridojãrãrẽ; ññaarãrẽ; Cõãmacũ dutirere netõnũcãrãrẽ; Cõãmacũrẽ quioniremena ññaãhãrãrẽ; cũũye buerẽ maquẽrẽ boohẽrere; pacũrẽ, pacorẽ sããrãrẽ; niipetira basocãre sããrãrẽ; <sup>10</sup>ãpẽrãmẽna ññaarõ ñeeaperare; ãmũã sesaro numiãmena tiirõbiro tiirãnorẽ; basocãre yaa, dúarare; jĩĩditorepirare; “Cõãmacũmena jĩĩã” jĩĩditore; Cõãmacũ buerẽ niipacari, merẽã buecoterare cúũrõ booa. <sup>11</sup>Tee buerẽ Cõãmacũ netõnerẽ queti maquẽ niĩã. Cũũ ãñunetõjõãgũ yũũre tee ãñurẽ quetire buedutiwi.

### Cõãmacũ Pablõre bóaneõ ĩñarigue

<sup>12</sup>Marĩ Õpũ Jesucristore usenire ticoa. Cũũ yũũre ññaãgũ, “yũũ dutirere ãñurõ tiigũdaqui” jĩĩ wãcũgũ, cũũ buerere buenũũsegu

dure sōnecorigu niiwī. Teero sōnecogu, yũre tutuarere ticorigu niiwī. <sup>13</sup>Too sũgueropu yũ cũrē ñañarō wedesepacari, cũrē padeoräre ñañarō netōrī tiipacá-ri, cũye maquerē buijápacari, yũre sōnecorigu niiwī. Yũ cũrē padeorére masíriwũ ména; yũ tiirére tũomasíriwũ. Teero tiigú, yũre Cõamacũ bóaneõ ñnarigu niiwī. <sup>14</sup>Marī Ōpũ añuré petire yũre ticowī. Cũ yũre Jesucristore añurō padeorí tiiwī. Cãmerí maírí tiiwī.

<sup>15</sup>Ate yũ wedeseadare diamacú niia; niipetira ateré padeoró booa: Jesucristo Cõamacũ dutirere netõncárãrē netõnégũdu atibũrecopũre atirigu niiwī. Yũrá niipetira nemoró netõncárigu niia. <sup>16</sup>Teero niipacari, Cõamacũ yũre bóaneõ ñawī. Cũ yũre teero tiirémēna Jesucristore padeoádarare cũ bóaneõ ñnarére ãñosũguéwī. Cũ bóaneõ ñnaré petirícu. Yũre bóaneõ ñnariborora cũrē padeoádarare bóaneõ ñnagũdaqui. Cũrē cũmēna catiri tiigũdaqui. <sup>17</sup>Teero tiirá, Cõamacũrē padeoré cõáo; cũ añurō tiirére usenire ticoaro. Cũ Ōpũ niiré petirícu; diariqui; cũ bauhégu niiqui; sícũrã niiqui; masígũ niiqui. Cũ niipetira Ōpũ niirucujãrō. Teerora niarō.

<sup>18</sup>Timoteo, mũ yũ macũ tiiróbiro niia. Teero tiigú, mũrē dutia. Too sũgueropu maríya wēdera Cõamacũ wãmēmena mũrē wedewa. Cũ wēderiborora


yũcã mũrē ateré dutia: Tutuaromena duoró maniró añurō tiirere tiirucujãña. <sup>19</sup>Diamacú padeoyá. Añurō yeeripũnacatirucujãña. Siquerã añurō catiri yeeripũna cõodugáhera cũ Cõamacũrē padeorére ditiri tiicúa. <sup>20</sup>Teerora wáayu Himeneorē, Alejandro. Teero tiigú, “Satanás booró tiiaró” jĩwũ. Cũ cũ booró ti, ñañarō netõári siro, Cõamacũrē ñañarō wedesenemoribocua sũcã.

#### Cõamacũrē usenire ticoré buerigue

**2**<sup>1</sup>Ateré dutisuguegũda: Cõamacũrē usenire ticorémēna niipetiraye niádarere sãibosáya. <sup>2</sup>Ōpãrãrē, niipetira dutiräre sãibosáya. Cãmeríquere maniró añurō niirecutiada jĩrã, Cõamacũ booré tiiáda jĩrã, basocámēna queoró niirecutiario jĩrã, cũãrē sãibosáya. <sup>3</sup>Marí teero tiiré añuniã. Cõamacũ marírē netõnégũ teero tiirí tũsaqui. <sup>4</sup>Cõamacũ niipetira netõnénorira niirí boocuí. Teero biiri diamacú maquerē masírí boocuí. <sup>5</sup>Cõamacũ sícũrã niiqui. Basocá sícũrã niiqui basocáre Cõamacũmēna wedesebosagu; Jesucristo cũrã nií. <sup>6</sup>Cũ niipetira basocá ñañaré tiiré wapa wapatígu, diabosarigu niiwī. “Teero wáadacu” jĩrito jeari, tee quetire wedebauanenoyiro. <sup>7</sup>Cũye quetire wededutigu, cũ beserigu niirí, Jesús yũre sōnecorigu niiwī. Judíoa niihẽrãrē

buedutirigũ niiwĩ. Teero tiigú, diamacú maquẽrẽ buegũ, “tee maquẽrẽ padeoyá” jĩ buea. Diamacúra jĩã. Jĩditogũ mee tia.

<sup>8</sup>Teero tiigú, noo marĩ wáaro-pũ ãmũárẽ cúare manirá, tutiré manirá, ñañaré manirá wãmo súmũõco, Cõãmacũrẽ sãĩrĩ booa. <sup>9</sup>Numiácã cúa sãñarucuro-birora sãñarõ booa. Cúaãrẽ añurõ jearénorẽ sãñarõ booa. Cúaãye póa wapapacáremena mamarijã-ãrõ; teero biiri cúaãye õpũũrĩrẽ



*Perlas*

oromena, perla wapapacáreperimena mamarijããrõ; teero biiri suti wapapacáre sãñarã, “biiro biia yũjã” jĩ wãcũrã mee sãñarõ. <sup>10</sup>Biirõpe tiiáro: Añurõ baudiagára, Cõãmacũrẽ padeorã numiã tiirucúrenorẽ tiiáro. Añurõ tiirémene añurã niiãrõ. Æpẽrãrẽ tiiápu, añurõ tiiáro. <sup>11</sup>Ditamanírõ, padeorémene añurõ bueréretuóaro. <sup>12</sup>Basocã neãrĩ, ãmũá suguero numiãrẽ buesuguerijãrõ booa; ãmũárẽ dutirijããrõ. Ditamanírõ niijããrõ. <sup>13</sup>Biirõpe niiã: Cõãmacũ Adãnrẽ tiisugúyigũ. Too síro Evare tiiyigũ. <sup>14</sup>Adán jĩ-

ditonoriyigũ. Numiõpe jĩditono-yigo. Teero tiinórigo niijĩgõ, Cõãmacũ dutirére netõnucáyigo. <sup>15</sup>Coo teero tiirĩ siro niipacari, numiã põnacutĩri, cúaãrẽ netõrĩ tiigúdaqui. Cúaã diamacú tiirémene Cõãmacũrẽ padeorĩ, Æpẽrãrẽ maĩrĩ, ñañaré manirá niirĩ, teero tiigúdaqui.

### Suonirã maquẽ

**3**<sup>1</sup>Ate diamacúra niiã: Jesuré padeorĩ põna macãrãrẽ suonígũ<sup>a</sup> sããdugagũ, añurére tiidugágũ tiii. <sup>2</sup>Teero tiidugágũno biiro niigú niirõ booa: “Ñañaré tiigú niiã cũũ” jĩnoña manigú; sãcõrã nũmocutigũ; ñañaré tiidugágũ wãcũtutuagũ; añurõ wãcũ besemasigũ; Æpẽrãrẽ quioníremena ññanogũ; wári basoca cũũya wii-pũ jeari, añurõ bocagú; Æpẽrãrẽ añurõ buemenigũ niirõ booa. <sup>3</sup>Teero biiri cũmugú, cãmeríquẽgũ niirijãrõ booa; tutiro manirõ basocáre añurõ tiigũno niirõ booa. Niyeru bayirõ peti ugari-péagũ niirijãrõ booa. <sup>4</sup>Cũũ cũũya wii macãrãrẽ añurõ dutimasigũ niirõ booa. Cũũ põnarẽ padeorémene yũuri tiigú niirõ booa. <sup>5</sup>Cũũ cũũya wii macãrãrẽ dutimasihẽgũ, Cõãmacũrẽ padeorĩ põna macãrãrẽ toorã nemorõ cotemasĩriboqui. <sup>6</sup>Sicato padeonucágũ niirijãrõ booa. Apetó tiigú, cũũ “yũũ Æpẽrã nemorõ ãpũtĩ macũ niiã” jĩ wãcũboqui. Cũũ

<sup>a</sup>3.1 Españolmena: obispo, obispado, episcopado; portuguésmena: bispo.

teero wácūgū, Satanás tiiróbiro ñañarō wácūgū tiiquí. Cūñcārē Satanárē tiirírobirora Cōāmacū ñañarō tiigúdaqui. <sup>7</sup>Teero tiirá, Jesuré padeohéacá “cūñrá añurō tiii” jīnogū niirō booa. Teero jīriatā, cūā cūñrē wedesābocua; Satanás cūñrē diocójāboqui sáa.

### Tiiápura maquē

<sup>8</sup>Tiiápura<sup>b</sup> sūonírā tiiróbiro padeonórā niirō booa. Diamacú wedeserano niirō booa. Vino wānirá, ñañaré tiirémena niyeru wapatára niirijārō booa. <sup>9</sup>Jesucristo too sūguero masīña maniríguere ãñorigū niiwī. Teeré masījīrā, añurō yeeripūnacūtiiremena padeorā niirō booa. <sup>10</sup>Cūārē sōnecoadari sūguero, cūā tiirécūtiire añurō masīrō booa. “Ñañaré tiirá niīya cūā” jīinoña manirárē ññarā, sōnecoro booa. <sup>11</sup>Cūā nūmosánumiācā teerora niirō booa: Padeonórā; queti jīñhērā; ñañaré tiidugára, wācūtutuarā; añurō tiirá niirō booa. <sup>12</sup>Tiiápura sīcōrā nūmocūtiaro. Cūā pōnarē, cūāya wii macārārē añurō dutimasīārō. <sup>13</sup>Cūā tiiapurere añurō tiirí, cūārē basocá “añurō tiīya” jīīadacua. Jesucristore cūā padeorére cuirō maniró wedenemoādacua.

### Marí padeoré maquē

<sup>14-15</sup>Timoteo, “yūñ mūñ pūtopū máata wáagūda” jīī wácūmiā.

Apetó tiigú, máata wáaribocu. Máata wáahegu, Cōāmacūyara niirecutirere masīārō jīīgū, mūñrē jóaa. Marí Cōāmacūyara Jesuré padeorí pōna macārā niīā. Marírā Cōāmacū catirucugūye diamacú maquērē wederá niīā. <sup>16</sup>Marí padeoré tíatorū masīña maniré niimiyiro. Mecūtigā “mūpūti maquē niīā” jīīmasīā marí. Ateré wácūña:

Cristo marí tiiróbiro ōpūñcūtiḡu bauáyigū.

Espíritu Santo cūñrē “añugú peti niīī” jīī masīrī tiīyigū.

Ángelea cūñrē ññayira.

Cūñye quetire niipetire dita macārārē wedenoā.

Atibúrecopūre basocá cūñrē padeoōya.

Cōāmacū cūñrē ūmūásēpū néemūāwayigū.

### Diamacú padeohéra tiiré

**4** <sup>1</sup>Atibúreco petiádari sūguero wáaadarere Espíritu Santo marírē añurō masīrī tiiquí. Sīquērā Jesuré padeodúadacua. Wātīā jīīditorere, teero biiri wātīā buerére tūonūñséadacua. <sup>2</sup>Cūārē buerá diamacú wederábiro wedepacara, jīīditoya. Cūā wācūrēpū “ññaniā” jīīrere yūñnēmemoriya. <sup>3</sup>Basocá wāmosiādūgari, cāmotáaya. Sīquēñe yaarére yaadutiriya. Cōāmacūpe tee yaa-

<sup>b</sup>3.8 Tiiápura sūonírārē tiiapuyira ateména: Cōāmacūyere bueyira; Cōāmacūyere buerí wiire quēnocotéyira; niyeru seecotéyira. Pecasāyemena: diácono.

rére tiirigu niiwī. Teero tiirá, marī Jesuré padeorá diamacú maquērē masirá cūūrē usenire ticoari siro, yaamasīā. <sup>4</sup>Niipetire Cōamacū tiiré añurē niā. Dooríjárō booa. Cūūrē usenire ticotoa, yaari, añuniā. <sup>5</sup>Cōamacū teeré “añuniā” jītoayigu. Teero tiirá, marī cūūrē usenire ticori, tee yaarére añurē wáari tiiquí.

### Timoteore tiidutírigue

<sup>6</sup>Muu Jesuré padeoráre teeré wedegu, Jesucristore añurō padecotegu niicu. Teero tiigú, “marī Jesuré padeoré maquērē yuu buerucua” jīirere ñogúdadu. Teero biiri “marī bueré añurere yuu tnonnúsea” jīirere ñogúdadu.

<sup>7</sup>Atibúreco maquē wedeseāmarere tuoríjāña. Tee marī niirecutirere tiípuria. Jīāmare niā. Nemoró Cōamacū boorere tiirucújāña. <sup>8</sup>Marīye õpūūrī tutuari tiiré marī tiirucúri, añuniā. Cōamacū boorépere tiiríporipereja, toorá añunemoā. Teero tiiró, marī catirí burecorire, too síropu marī niíadari burecorire añurō wáari tiicú. <sup>9</sup>Tee diamacúrá niā; niipetira teeré padeoró booa. <sup>10</sup>Cōamacū catirucugu nií. Cūū niipetirare netónégū niipacu, cūūrē padeorá dícuere netónégū nií. Cūū too síro marírē añurō tiíadarere wácūā. Teeré useniremena wácūrā, Jesucristoyere wede, ñañarō netō, bayiró padea.

<sup>11</sup>Teeré bue, tiidutíya. <sup>12</sup>Muu mamu niirémene apērā muurē tuodugáribocua. Teero wáari jīigū, Jesuré padeoráre añurē queoré ñoñā. Añurō wedeseya; añurō tiirécutiya; cámaraí mañá; Jesuré añurō padeoyá; ñañaré manigú niíña. <sup>13</sup>Yuu toopú jeadari suguero, neáráre Cōamacúye queti jóaripūrē bueñoña; cúārē “biirope niirecutiya” jīi wedeya; Jesuyé padeoré maquērē bueya. <sup>14</sup>Cōamacú muurē “biiro tiigúdu niigúdaqui” jīiriguere tiirucújāña. Butoá muurē ñaapeórito, teeré Cōamacú ticorigu niiwī.

<sup>15</sup>Teeré wácūnunse, añurō tiirucújāña. Teero tiirí, niipetira muu añurō tiwáre ñaādacua. <sup>16</sup>Muu tiirécutirere, muu buerere añurō wácūña, “¿diamacú niimiíto?” jīigū. Teeré tiirucújāña. Teeré tiirá, muu, teero biiri muurē tuorácā netónénoādacua.

### Jesuré padeorámene biiro tiiyá

**5** <sup>1</sup>Bucure tutirijāña. Muu pacure wácūtutua ticojú tiiróbiro wedeya. Mamarárē muu baira tiiróbiro wedeya. <sup>2</sup>Butoá numiárē muu pacosánuniā tiiróbiro wedeya. Mamará numiárē muu baira numiā tiiróbiro ñañarō wácūrō maniró wedeya.

<sup>3</sup>Wapewia numiā tiíapunoña manirárē tiíapuro booa. <sup>4</sup>Wapewio coo pōna, coo párámerā cuorí, cúā coore tiíapuro. Cúā tiíapuremena cúāya wederare cúā padeorere ñosugúaro. Teero

tiirá, cúa pacusũmuãrẽ, ñecũsũmuãrẽ tiápucãmecua cúaãrẽ masõrigue wapa. Teero tiiré Cõãmacũ ñnacoropũ añurẽ niiã. Cũũ teeré ñnagũ, useniqui. <sup>5</sup>Wapewio tiápuya manigó sícõ niigópe Cõãmacũ tiápurere yueco. Teero tiigó, búrecori, ñamirí teero sãirucújãco. <sup>6</sup>Wapewio coo booró tiãmajãgõ, catigó niipaco, diarigobiro niitoaco. <sup>7</sup>Teeré niipetirare tiidutíya, “cúa wapa cwoóya” jĩña manirá niiãrõ jĩĩgũ. <sup>8</sup>Maríya wederare wépeoro booa. Nemoró maríya wii macãrãpere wépeoro booa. Wépeohera cúa “Jesús dutirére tiáda” jĩrira niipacara, “cũũ dutirére tiinemória” jĩĩráno niiya. Jesuré padeohéra nemoró ñañará niicua.

<sup>9</sup>Wapewia numiãrẽ tiápunoãdarare biiro biigónorẽ jóatuya: Bwcuó sesenta cũmarí nemoró cwogóre, sícũrẽ manucutimirigore jóatuya. <sup>10</sup>Basocá “coo añurõ tiíyo” jĩĩnorigo niiãrõ; coo põnaré añurõ masõrigo niiãrõ; basocá cooya wiipũ jeari, añurõ tiirigo niiãrõ; Jesuré padeorãre tiápurigõ niiãrõ; ñañarõ netõrãrẽ tiápurigõ niiãrõ; añurẽ apeyenó tiirucúrigõ niiãrõ.

<sup>11</sup>Wapewia numiã mamarãrẽ jóaturijãna. Apetó tiirá, Cristoyere tiidugáro nemoró ñmumena niidugara, manucutidugacua. <sup>12</sup>Cúa “Cristoye dícre tiáda” jĩĩriguere tiidúra, cúa basiro wapa cwocúa. <sup>13</sup>Wiseripú dícu wáara, daderá posacua. Daderá dícu

posaricua; quetipíra posacua. Ñpẽrãrẽ niipetire cúaýere sãĩná, wedeseya manirénorẽ wedepaticua. <sup>14</sup>Teero tiigú, wapewia numiã mamará niirãnorẽ manucutiri booa sũcã. Põnacutíaro. Cúaýe wiseri macãrãrẽ añurõ ñnanunsearo. Cúa teero tiirí, maríãrẽ ñnatutira “cúa ñañaré tiíya” jĩĩmasíricua. <sup>15</sup>Sĩquẽrã wapewia numiã Cristoyere tiidútoa, Satanás boorẽpere tiirá tiáýira.

<sup>16</sup>Jesuré padeogú o padeogó cúaýa wedego wapewiore tiápuaro. Jesuré padeorí põna macãrãrẽ cotedutirijããrõ. Teero tiirá, ñpẽrã wapewia numiã tiápuya manidójãrãpere tiápumasiãdacua.

<sup>17</sup>Butoá dutirá múãrẽ añurõ dutirãre ñpẽrã nemoró padeoró booa. Butoá dutirá múãrẽ Cõãmacũye buerãpere toorã nemoró múã cworémãna tiápuro booa. <sup>18</sup>Cõãmacũye queti jóaripũpũ tee maquẽrẽ queorémãna jĩĩã: “Wecu trigore wãñiãrĩ, useropũ tuusãri betore tuusãrijãna. Yaadugagũ, yaaaro”. Aperopú jĩĩã: “Padegũre cũũ paderẽ wapa wapatíro booa”.

<sup>19</sup>Butoá menamacũrẽ sícũ wedesãrĩ, tworíjãna. Puarã, ñtíãrã ñnarira wedesãripũ, twoyá. <sup>20</sup>Cúa ñañaré tiirucúrare niipetira ñnacoropũ tutiya, ñpẽrã cuiaro jĩĩgũ.

<sup>21</sup>Cõãmacũ ñnacoropũ, marí Òpũ Jesucristo ñnacoropũ, ángelã cũũ beserira ñnacoropũ mũnrẽ dutia: Yũ mũnrẽ tiidutíre

niipetirare sīcārībīro tiiyá. M̄m̄ t̄sará dícuere añurō tiiirijāña. <sup>22</sup>Cōāmacūye padeadarare sōne-coadari s̄guero, añurō iñaña m̄m̄ iñamasiremena potocōrō manirō. M̄m̄ ñañaré tiiiré bese-gu, cūā tiiirōbirora tiigú niisotoa-peobocu.

<sup>23</sup>M̄m̄rē páaga pūnirī, oco dí-cu sīnirijāña. Vīno péero sīniñá. Naīrō diagu wāmecutia m̄m̄.

<sup>24</sup>Sīquērārē cūā ñañaré tiiiré masīnotoaa, cūārē cūā ñañaré wapa ticoadari s̄guero. Āpērā-pére cūā ñañaré tiiiré too síropu masīnoādacu. <sup>25</sup>Teerora añurō tiiirēcā máata masīnoā. Apeyé añurō tiiiré masīña manipacáro, bauhéropu niidoa tiiiricu.

**6** <sup>1</sup>Jesuré padeorá padecotera cūārē dutiráre bayirō padeo-rémēna iñarō booa. Cūā teero tii-rí, Cōāmacūrē, marī buerére āpēr-á ñañarō wedesericua. <sup>2</sup>Cūārē dutirá Jesuré padeorá niirī, bayi-rō cūārē padeoró booa. “Marī tii-róbiro Jesuré padeorá niiā” jīīpa-cara, “marīrē duti netōnucāmasī-riya” jīīrijārō booa. Toorá tiine-mósāñu cūā dutirére añurō pade-cotero booa. Cūā biiro padecote-ra, cūā tiiiróbiro padeorá, cūā maīrārē tiápura tiiíya. Teeré bue, wācūtutuare ticoya cūārē.

### Merēā buerá tiiiré

<sup>3</sup>Sīcū múārē merēā buegúno marī Ōpū Jesucristoye añurē buerére padeoríqui. “Cōāmacū boorére tiiirucújāña” jīī buerére

booríqui. <sup>4</sup>“Āpērā nemoró masī-gú niiā” jīī wācūpacu, masīrido-jāqui. Basocá wedeserecōrō “nii-ria” jīīrucuqui, cāmerítutiduga-gu. Teemēna cāmerí iñatutire, cāmerí iñadugahere, ñañarō bui-járe, āpērārē ñañarō wācūre wáa-nucāā. <sup>5</sup>Cūā ñañaré dícu wācūru-cura, diamacú maquērē masīhē-rā, cāmerítuticua. “Cōāmacūyere padera, pairó wapatáadacu”, jīī wācūcua. Cūānorē bapacutirijā-ña. <sup>6</sup>Cōāmacūyere añurō padera, añurē peti cuotóaa. Teerora niiā, marī cuorémēna usenirī. <sup>7</sup>Marī atibúrecopure bauára, apeyenó néeatiriwū; diaracā, apeyenó néewaricu. <sup>8</sup>Marī suti cuorémē-na, yaaré cuorémēna useniāda. <sup>9</sup>Pee cuodugára ñañaré tiidugá-rere nucāricua. Satanás cūārē máata diocómasíqui. Cūā boone-mósāre maquē dícuere wācūcua. Tee maquērē bayirō wācūrémēna ñañarō netō, ñañarō tiinōādacua. <sup>10</sup>Niyeru bayirō peti ugaripéare-mena niipetire ñañaré niinucāā. Āpērā niyeru boonemósāremēna Jesuré padeorére duujácu. Tee-ro tiiirá, cūā catirí burecore ñaña-rō netōcúa.

### Pablo Timoteore añurē tiidutírigue

<sup>11</sup>M̄m̄reja Cōāmacūrē añurō maīgú, tee niipetirere boosāari-jāña. Biirope tiiyá: Āñurére tii-rucújāña; Cōāmacū boorére tii-rucújāña; cūūrē padeoyá; cāme-rí maīñá; ñañarō netōpacá, wā-

cūtutuaya; ãpẽrãré ãñurõ tiiru-  
cúya. <sup>12</sup>Mũũ tutuaro jeatuaro  
wãcūtutua, Cõãmacũrẽ padeo-  
rucújãña. Catiré petihérere duu-  
rújãña. Cõãmacũ catiré petihére  
ticogú mũũrẽ beserigu niwĩ.  
Pau tucóropũ mũũ Jesuré pa-  
deorére wedewũ. <sup>13</sup>Cõãmacũ  
niipetirare catiré ticogú ññaco-  
ropũ, teero biiri Jesucristo cũũ  
niirecutirere Poncio Pilatore  
wederigu ññacóropũ mũũrẽ tii-  
dutía: <sup>14</sup>Yũũ dutiré niipetirere  
wasoró maniró wedeya. “Cũũ  
wapa cwoi” jĩĩña manigú niĩña,  
tée marĩ Òpũ Jesucristo pũtũa-  
atiripu. <sup>15</sup>Cõãmacũ queorĩ bu-  
reco jeari, Jesús pũtũaatigũda-  
qui. Cõãmacũ ãñunetõjõãgũ  
niĩ; cũũ sícũrã niipetirare duti-  
gú niĩ. Òpãrá Òpũ niĩ. <sup>16</sup>Cũũ  
sícũrã catirucugu peti niĩ. Cũũ  
bayiró asibatégũ niirõpũ sícũ  
basocú jeamasĩriqui. Sícũ cũũrẽ  
ññariyigu; cũũrẽ ññaña maniã.  
“Cũũrẽ niipetira padeoáro; cũũ  
tiidugárere tiirucújãqui” jĩĩrõ  
niipetira. Teerora niĩrõ.

<sup>17</sup>Pee apeyé cwoará “ãpẽrá ne-  
moró niĩ” jĩĩrijãrõ. Cũã cworé-  
mena “ãñurõ wáaadacu” jĩĩ ñse-  
nirijãrõ. Cũã cworé petijõãada-  
cu. Teero jĩĩrõno tiirá, “Cõãma-  
cũmena ãñurõ wáaadacu” jĩĩ ñse-  
niãrõ. Cõãmacũ marĩrẽ niipetire  
marĩ cworére ticoi, ñseniãrõ jĩĩ-  
gũ. <sup>18</sup>Pee apeyé cwoará ãñuré tii-  
áro; pee ãñurõ tiirére cwoáro.  
Cũã cworémena tiípuaro. <sup>19</sup>Cũã  
teero tiirĩ, Cõãmacũ pũtopũ cúã-  
ye ãñuré niĩadacu. Toopú niiré  
petiricu. Teero tiirá, catiré peti-  
hére buaadacu.

#### Dutiyaponorigue

<sup>20</sup>Timoteo, Cõãmacũ mũũrẽ  
wededutigu cúũriguere ãñurõ tii-  
yá. Atibúreco maquẽ wedesere  
búri niirere tũorijãña. Noo booró  
bueãmajãrãrẽ tũorijãña. Cũã  
“masĩã” jĩĩré masĩré peti mee  
niĩ. <sup>21</sup>Sĩquẽrã tee masĩrére bue-  
rá Jesuré padeomĩriguere duujã-  
rira niwã.

Cõãmacũ mũũrẽ ãñuré ticoaro.  
Nocõrõrã niĩ.